

蜀

典

蜀典卷四

老威介侯甫張 澍編輯

宦蹟類

李冰而後厥有文翁涪魏至今吏也何窮珠獻文襄馬出
世公錡哀入草王濟伐松蒐羅羣籍聊以補縫

嚴君

史記樞里子傳秦封樞里子号爲嚴君張守節正義云蓋封蜀
郡嚴道縣因号嚴君疾名也按輟易圖志始皇滅楚徙嚴王之
族以實其地因名嚴道據史記樞里子時卽有嚴道則常氏之
言誤矣

王爨

姓源韻譜王爨昇李父同穿江按今人但知李冰矣猶之犒秦師者有奚施而弦高獨箸守雒陽者有姚問而張許特傳與荆軻入秦者有宋意同聶政刺韓者有陽堅皆以本事而湮沒也爨方氏通雅作壘

張若

蜀記張若爲蜀郡太守昇張儀司馬錯共築成都李冰代之按黃帝臣有張若此同姓名也粵易國志秦惠王封國以張若爲蜀國守赧王五年張儀昇若城成都周迴十二里高七丈郫城周七里高六丈臨邛城周迴六里高五丈造作下倉上皆有屋

而置觀樓射蘭徙成都置少城內城營廣府舍置鹽鐵市官修
整里閭市張列肆并咸陽同制三十年秦孝文疑蜀侯綰反誅
之但置蜀守若因取筴及其江南地

都尉墨 田真黃

粵易國志周慎王五年秋惠王遣張儀司馬錯都尉墨等從后
牛道伐蜀滅之按都尉姓也非官名張儀司馬錯皆不著官可
知墨之姓都尉矣漢書儒林傳孔安國受尚書於都尉胡毋處
曰朝名都尉姓當卽墨之後又按鼻錯同勸伐蜀者有中尉田
真黃見粵易國志隨司馬錯伐蜀者蔣相如之孫因家成都見
氏族略

林摯斬蜀守

溥功臣表平棘懿侯林摯以客從起亢父斬章邯所置蜀守

文翁厥水靈廟

抱朴子文翁厥水靈之廟而身吉民安按水經注蜀有迴復水江神常溺殺人文翁爲守祠之勸酒不盡拔劍擊之遂不爲害稚川所言卽指此事也

文翁遺事

錄異傳文翁廬江人爲兒童時乃有神異及長當起厯下陂以作田文翁盡日斫伐柴薪以爲陂塘其夜忽有數百頭野豬以鼻一截土著柴中比曉成塘殷芸小說溘文翁常亦作常起田斫

柴爲陂夜有百十野豬鼻載土箸柴中比曉塘成稻嘗收欲斵
一大樹欲斵處去地一丈八尺翁先呪曰吾得二千石斧當箸
此處因擲之正斫所欲後果爲蜀郡太守按廬江七賢傳黨字
翁仲未學之時與人俱入叢木謂侶人曰吾欲遠學先試投吾
斧高木上斧當挂乃仰投之斧果上挂因之長安受經此斧版
芸所記一事也各述所聞遂有差互又按文翁傳云文翁終于
蜀吏民爲立祠堂歲時祭祀不絕唐盧求成都記序云文翁明
天文災異後以博士徵至侍中揚州刺史不知何所據太平寰
宇記文翁宅在郾陽縣東一百五十里基址具存東帶郾陽北
連溪水西接望夫岡有井清澄隴前栽桐樹文翁廬江人何以

宅在鄱陽亦所未喻

杜安

粵嶠漢書杜安擢爲宛令以病去章帝行過潁川安上書召拜御史遷至巴郡太守與樂恢書通問恢不報按安字伯奇其子根字伯堅

鄭本

謝承溱書鄭弣傳其曾祖本齊國臨淄人官至蜀郡屬國都尉
帝時徙絕宗大姓不得族居將三子移居山陰因遂家焉

韋豹 韋義

京兆舊事韋豹字季明爲荅陽令友人羅陵犍爲縣丞卒官喪

祠
樞流離豹棄官致喪弟義字季節廣都長有惠化廣都爲立生

黃昌

水經注臨江有溱蜀郡太守黃昌宅橋本昌所創建也昌爲州
書佐妻遇賊相失後會於蜀復修舊好

曹敏 曹述

漢中平郃陽令曹全碑云全敦煌效穀人高祖敏舉孝廉遂成
長史巴郡胸忍令會祖父述孝廉謁者金城長史夏陽令蜀郡
西部都尉

廉范

東觀漢記廉范爲蜀郡守令民不禁火百姓皆喜家得其願時生子皆以廉爲名者千數

乘勝

姓氏急就篇益州太守乘勝按漢書孝昭始元三年姑繒葉榆復反遣水衡都尉呂辟胡將郡兵擊之辟胡不進蠻奔遂殺益州太守乘勝奔辟胡

古成雲 古成變

風俗通古成子卽苦成子之後後隨音改焉漢有廣漢都尉古成雲按氏族略引作廣漢太守古成雲古音枯姓謹云唐開元時有古成變爲雲陽尉

鹿旗

風信通漢有巴郡太守鹿旗子孫因家焉按五代孟蜀學士鹿虔扈當卽其後

莊上黑

廣韻云漢有梁州刺史莊上黑按莊上複姓也或作杜上誤魏書夏侯道遷傳梁以莊上黑爲鎮虜大將軍秦梁二州刺史鎮南鄭黑請道遷爲長史兼漢中太守會黑死而道遷圖歸順是黑梁時人孫恂以爲漢人誤矣

何壽

漢百官表蜀郡太守何壽爲廷尉四年徙太僕何奭傳壽後爲

大司農校東觀記何修生成爲膠東相成生果爲大中大夫果
生比干爲丹陽都尉比干生壽爲蜀郡太守壽生顯一作京輔
都尉光祿大夫顯生寵濟南都尉寵生做通志云盛江人誤其
先汝陰人至比干徙扶風平陵也

張顥

千寶搜神記常山張顥爲梁州牧天新雨後有鳥如山鵲飛翔
入市忽然墜地人爭取之化爲圓石顥椎破之得一金印文曰
忠孝侯印王子年拾遺記常山張顥爲梁相天新雨後有鳥如
山雉稍下墜地民拾取卽化爲一圓石顥椎破之得一金印文
曰忠孝侯印顥以上聞藏之秘府顥後官至太尉後議郎樊行

考核書東觀上表言堯舜之時嘗有此官今天降印宜應復此
官核李賢漢書注引搜神記亦作梁相非梁州牧是令升作梁
州牧非顯字智明傅子言張顯以財賄得官與唐珍等同羊陟
傳時太尉張顯并司徒樊陵大鴻臚郭防等並并宦豎姻私公
行貨賄陟竝奏罷黜之蔡邕奏對云太尉張顯爲中常侍霍王
所進其人不足稱也

何雉

唐開元十道要略云漢何雉爲蜀郡太守理於樂城時郡邑凋
殘人物窮困乃以已祿米施惠百姓此數城之民由是獲存臨
別百姓以白米楛填曰荷君父之恩無以報後之州郡有職田

始于此

枚根 牧稂

漢書王莽時有越嶲太守枚根爲邛穀王任貴所殺風信通云
牧氏黃帝臣力牧之後漢有越嶲太守牧稂顏籀云枚根一作
牧稂也

袁京

漢書袁安傳安子京字仲舉習孟氏易作難記三十萬言初拜
郎中稍遷侍中出爲蜀郡太守

王子雅

水經注蜀郡太守王子雅南陽西鄂人有三女無男而家累千

金父沒當葬女自相謂曰先君生我姊妹無男兄弟今當安神
予宅翳靈后土冥冥絕後何以彰吾君之德各出錢五百萬一
女築墓二女建樓以表孝思二樓雙峙齊竦高可丈七八柱圓
圍二丈有餘石質青綠光可以鑒窮巧綺刻妙絕人工

扈商

姓謹溘有廣溘太守扈商按商見溘書孫寶傳以輒弱爲寶所
奏

王阜

東觀漢記溘章帝時蜀郡王阜爲益州太守治化尤異神馬四
匹出滇池河中按謝承後溘書阜字世公爲重泉令時鸞鳥集

學宮聞磬聲而舞此事人多知之化致神馬志未之載又按王
阜南蠻傳作王追事在肅宗元和中姚之駟刻東觀漢記以王
阜爲巴異誤矣

文襲獻珠

東觀漢紀永建四年漢陽太守文襲獻大珠順帝詔曰海內頗
有災異而襲不推忠竭誠而誇明珠之瑞以求媚令封珠卻還
按順帝紀作桂陽太守文襲音力工反詔詞亦微異袁宏記作
漢陽都尉

諸葛身長八尺

姓源韻謹諸葛亮身長八尺形細面粗猶如松柏皮膚枯槁文

理潤澤按手宜作身與本傳乃合

姜維膽大如拳

郭頒世語姜維見剖時其膽如斗大按梁書范縝傳八采重瞳
助等之容龍顏馬口軒鼻之狀形表之異也比干之心七竅列
角伯約之膽其大如拳心器之殊也此與郭頒所言不同未知
范氏何據又按金石文字記云升音陞升音蚪世語姜維膽大
如升誤作斗也

陰化

蜀志孫權與諸葛亮書陰化不盡又蔣琬傳亮以琬爲府掾琬
讓陰化按漢黃龍甘露碑末云蒼易令陰化蒼易在漢屬健爲

今爲眉州彭山縣也陰化爲老易令蜀志不載

許靖

獻帝紀九年封皇子熙爲濟陰王懿爲山陽王邈爲濟北王敦爲東海王山陽公載記云時許靖在巴郡聞立諸王曰將欲欲之必姑張之將欲奪之必姑與之其孟德之謂乎

龐肱

碑目考漢涪陵太守龐肱關肱龐士元之子後帝時嘗爲涪陵太守淳熙中賢良任子宜舟過涪陵于民家見漢隸隱然遂載以歸碑在左縣任賢良家按龐統傳統子宏字巨師剛簡有城否輕傲尙書令陳祗爲祗所抑卒於涪陵太守字不作肱隸續

去漢故涪陵太守昌陽龐玄神道十二字今在資州此所謂漢
乃劉蜀之漢也又按肱書蓋稷臣作朕股肱古文尙書作𠂇

錡哀

姓謹錡哀後漢時爲縣令按粵易國志韓揆爲縣竹令主簿值
黃巾賊入界扶錡哀走入草中哀遣求隱翳處未還哀爲賊所
得見害換葬訖詣從事賈龍求兵討賊是哀劉焉時爲縣竹令
也

義欽

氏族略引蜀錄漢末有上庸都尉義欽按蜀錄涼州刺史羅尙
聞趙廞反上表願往征之惠帝拜尙爲平西將軍領護西沓校

尉益州刺史督牙門王敦上庸都尉義歆等率七千人入蜀是
義歆非漢時人鄭氏誤

薛永 薛齊

氏族略薛氏自仲虺爲諸侯歷三代凡六十四世至愍族引爲
齊所滅公子登仕楚懷王賜沛邑爲大夫遂以國爲氏或言登
隱于博徒號薛公者曾孫倪爲楚令尹生翁翁生鑿漢初獻策
滅黔封千戶侯元孫廣德御史大夫生饒長沙太守生愿淮陽
太守因徙居焉愿孫漢爲千乘太守漢生彪司徒祭酒彪生侍
御史安期六代孫蘭爲曹操所害生永遂依蜀先主官至蜀郡
太守生齊爲巴蜀蜀郡太守歸晉爲光祿大夫河東太守因家

汾陰世号蜀薛二子懿始按唐世系表清生懿侯洪爲楚所滅
此云齊滅又云鑿嶽策滅黥布此云滅黔皆誤又按表云蘭爲
兖州別駕永字茂長齊字夸甫而不見陳壽志則蜀臣佚沒者
多矣魏書眾議以薛氏爲河東茂族帝曰薛氏蜀也豈可入郡
姓直閭薛宗起在殿下出次對曰臣之先人漢末仕蜀二世復
歸河東今六世相襲非蜀人也伏以陛下黃帝之胤受封此土
豈可亦謂之胡耶今不預郡姓用生何爲乃碎戟於地帝徐曰
然則朕甲卿乙乎乃入郡姓仍曰卿非宗起乃起宗也按北史
薛聰傳爲羽林監帝曾與朝廷論海內姓地人物戲謂聰曰人
謂卿諸薛是蜀人定是蜀人不聰對曰臣遠祖廣德世事漢朝

時人呼爲漢臣九世祖永隨劉入蜀時人呼爲蜀臣今事陛下
是虜非蜀也帝撫掌笑曰卿可自明非蜀何乃遂復苦朕聰因
投戟而出帝曰薛監醉耳其見知如此元行冲後魏國典作薛
宗起

正貺 正昂

尋陽國志蜀郡太守正貺命任末爲功曹察孝廉舉有道博士
徵不詣按益州太守正昂爲雍閬所殺見蜀志校正貺一作闕
貺

寵義

姓苑蜀漢有長史寵義

古牧 古朴 古世弼

風信通漢有廣漢功曹古牧按蜀志夏侯纂功曹古朴宜卽其
後常璩云古德陽大族之甲也古朴廣漢人爲王逸妻張叔紀
作頌又高陽令楊著碑陰有廣漢古世弼

李光

粵陽國志李密祖父光爲朱提太守

會相

風信通漢有蒼陽太守會相按廣韻引作會相急就章相作柳
氏族略作炳

王濬

蜀志 卷四 二
華陽國志王濬爲益州刺史蜀中山川神祠皆種松柏濬以爲
非禮皆廢壞燒除惟取其松柏爲舟楫唯不毀禹王祠及漢先
帝祠又禁民作巫呪于是蜀無淫祀之俗

索遐

水經注義熙九年索遐爲果州刺史自城固治南城按宜作索
遐果州當作梁州

蜀郡守朱

李綽尙書故實王內史書帖中有與蜀郡守朱

不記名

書求櫻桃

來禽日結籐子又云胡桃種已成矣又問曰司馬相如揚子雲
有後否蜀城門是司馬錯所製存乎按佩觿辨證曰按尙書故

寶云王內史有與蜀守書求櫻桃來禽日結藤子言味甘來
禽信作林檎

吉翰

幽明錄元嘉中益州刺史吉翰遷爲南徐州先於蜀中戴一青
牛下常自乘恆於目前養視翰遑疾多日牛亦不肯食及亡牛
流涕滂沱吉氏葬未還都先遣驅牛向宅牛不肯行人知其異
卽待喪旣下船便隨去

壘襲

十六國春秋苻秦有梓潼太守壘襲一作梓襲襲一作錫後
趙錄云壘本姓裴改爲壘

鉗耳祖郎

路史注隨九門令鉗耳文澈清德頌有云祖郎爲成集二州刺史

郭銓

水經注枝江縣人劉凝之字志安兄盛公高尙不仕凝之慕老萊巖子陵之爲人立屋江湖非力不食妻梁州刺史郭銓女亦能貧宋元嘉中夫妻隱於衡山終焉不返

馮遷

王韶之晉書桓予之初奔也經日不得食左右進粗粥咽不下予昇抱予胸撫之予悲不自勝至故鄉洲益州都護馮遷斬予

于此洲斬昇于江陵

孟彥暉

錄異記卷成三年庚午六月五日癸亥廣澤太守孟彥暉奏西湖有金龜徑寸遊于荷葉之上画圖上聞

錫休儒

姓氏書辨證梁有益州刺史錫休儒按氏族略引無儒字休儒宜爲錫光之後光澤中西城人光老時爲交州刺史長冲又魏書錫休儒爲益州長史非刺史也鄧元亞說誤

李彝

按文苑英華有任彝送李彝宰新都序云宗室後進有以學術

辭藻著稱者彝也少好學通九流百家之言善屬文有大節召
試西掖與莊若訥高郢同入高等執政以彝大人在蜀故授新
都以榮之又按李元諒頌有銜朝散大夫守宗正寺丞李彝篆
額卽是人也

袁嵩 子璣

蒲定錄袁天綱祖嵩周朝歷樞爲蒲陽蒲江二郡守車騎將軍
父璣梁州司馬

郭元振

劉餗隨唐嘉話郭尙書元振始爲梓州射洪令徵求無厭至掠
部人賣爲奴婢者甚眾老后聞之使籍其家唯有書數百卷後

國資財所在知皆以濟人於是奇而免之

犀浦主簿

唐書顏春卿傳調犀浦主簿嘗送徒于州亡其籍至廷口記物色凡千人無所差按犀浦縣唐垂拱二年分成都地置取李冰所造石犀爲名宋熙寧五年省也

香尉

馮贄記事珠簾雍仲子進南海香物拜涪陵尉時人謂之香尉按涪陵太平廣記作涪易誤矣

鄞縣令

大唐傳載李鎮惡卽趙公嶠之父選授梓州鄞縣令與友人書

曰州帶子號縣帶妻名由來不屬老夫併是婦兒官職

甘子布

劉肅大唐新語益州每歲進甘子皆以紙裹之他時常吏嫌其不敬代之以細布既而恆恐有甘子爲布所損每歲多懷憂懼俄有御史甘子布至長吏以爲推布裹甘子事因大懼曰果爲所推及子布到駟長吏但敘以布裹甘子爲敬子布初不知之久而方悟聞者莫不大笑子布好學有文才知名當代按朝野僉載周甘子布博學有才年十七爲左衛長史不入五品登封年病以驢舉疆至獄下天恩加二階合入五品竟不能起親戚來賀衣冠不得遂以裊袍覆其上帖然而終卽是人也

蜀令劉靜妻

朝野僉載蜀縣令劉靜妻患病明崇儼曰須生龍肝食之必愈靜以爲不可得儼乃書符乘風放之上天須臾有龍下入甕水中剔取肝食之遂差

亢朝榮

韋臯傳臯鎮蜀有部將亢朝榮以兵破吐番按今唐書作亢榮朝誤

論惟賢

唐書論惟賢官劍南節度使按論惟賢蓋威人

蕭錢

唐比丘尼惠源誌銘有云父諱鉞給事中利州刺史按宰相世系表作鉞蕭瑀第三子官給事中不云利州刺史者表之疏略也

終郁

唐杜甫有題終明府水樓詩終係功曹攝奉節令名郁

達悉采

希姓錄九希采戎州太守按唐時有達悉采爲戎州太守樂林官吏序輿地記勝竝作達悉采升莽誤又按周大象末達悉甚爲益州刺史王謙據益州有將達悉堪攻利州

徐師道

石唐徐浩碑稱師道官益州

缺二字

縣尉泐其縣名假師道文則

爲九隴二字上文州字上泐一字以爲九隴屬彭州當是彭字
然考徐浩古蹟記云臣先祖故益州九隴縣尉贈吏部侍郎是
師道爲益州九隴縣尉也唐地理志彭州濛陽郡垂拱二年析
益州置師道爲尉在未析置以前碑字原作益州也

歧苞

姓源唐有歧苞南郡人爲縣竹令按粵陽國志辛冉遣護軍曾
元攻李特等爲特所殺羅尙督護田佐牙門劉竝助冉復敗進
圍廣漢尙復遣犍爲太守李苾長史費遠助冉不能克冉託罪
于縣竹令歧苞斬之而潰圍走德陽姓源作唐人誤也

蜀琦 蜀廣

蜀錄關中流人蜀琦蜀廣按琦一作騎天水人殺李離及尙書令閻或以梓潼歸羅尙琦送離母子于尙尙斬之分其室

开度

正字通宋有四川漕使开度按晁公叅讀書志序言得南易公書五十篋陳振孫曰南易公未知何人或云开度憲孟也是开度字憲孟矣

古成之

姓謙古成之嶺外人及進士第爲縣竹令常遇異人授道按古成之河源人張詠帥蜀辟知縣竹縣

刑璿

氏族考宋有刑崇紹興間簡州法曹

立智理威

元史至元中蜀初定世祖閱百姓傷殘擇近臣撫安以立智理威爲嘉定路守時方以闢田均賦弭盜息訟諸事課守令理威奉詔甚勤民安之使者交薦其能

萌慮

姓謹五代蜀裨將萌慮

澆平

陝西志澆平竇雞人永樂舉人任成都府教授

字敏

氏姓謹字敏隴西人宣德中舉人任嘉定州學正升四川僉事
按甘肅通志字敏通渭人正統進士官學士豈同姓名者耶

類康

氏族謹類康鰲山人正德中任新繁縣訓導

侍懋

氏姓謹侍懋六合人明洪棗中任綦江縣訓導

烜冲霄

姓謹烜冲霄沔縣人萬厯中任長壽縣主簿

羿忠

萬姓統謚 弼忠湘潭人 洪棗中官 遂寧縣知縣

寸居敬

氏姓謙 寸居敬 沒穹人 嘉靖間任梓潼縣知縣

曉枝

統謚曉枝 醴陵人 嘉靖中官 四川墊江縣丞

臨淮

明史何洪傳 德易人 趙鐸反 稱王 四川都指揮 僉事 臨淮戰死

宰用

明史宰用 山後人 成化中 以寧州指揮 升都督 僉事 鎮四川 有

職功

可越

湖廣志可越蘄水人永樂舉人任四川郫縣訓導

仕萬倉

陝西志仕萬倉涇陽人隆慶中爲成都府經歷

仙名

甘肅志仙名河州人明正德中官四川合江縣知縣

玉恩

統譜玉恩彰縣人弘治中官眉州判官

陝嗣宗

洪雅志縣有九角堰明時陝嗣宗築隄禦水嗣宗湖廣人

利本堅

廣東志利本堅英德人由監生任贛縣主簿安岳縣丞正德七年升縣令多事之際能愛民節費

秦耶

陝西志秦耶中部人嘉靖中官蒼溪縣主簿

牒昇

安岳志牒昇陝西蒲城人正統間由舉人知縣事廉能勤慎平易近人民愛之如父母無敢欺者歷九年如一日擢知鄧州氏姓謹作牒昇蒲州人者誤

戰符

大足縣寶頂山有靈湫泉詩碑又圓覺洞石壁詩署銜云忠州
刺史楚人歐符澍署大足縣篆時親見之

力晟

江南志力晟宿遷人萬厯中任四川榮縣主簿

木叢奇

雲南志木叢奇永昌舉人萬厯中任安岳縣教諭

月輝

江西志月輝字本明贛縣人知江油縣以清苦稱

漆登

江西志漆登字汝高高安人少孤事母孝嘉靖舉人授貴州永

寧知州升馬湖府同知因其信陋加意造士捐俸資給之麻陽
寇亂協勦告捷以薦兩點蜀黔考試官告養親歸登一作澄

乙山

江南志乙山海州人嘉靖中官東鄉縣訓導

隗邦衡

湖北志隗邦衡潛江人萬厯中官資陽縣知縣

輔成

江南志輔成崇德人天順中任夔州判官

禹範 禹祥 禹節

甘肅志禹範臨洮人官蓬州學正禹祥字廷珍臨洮人任劍州

知州公平廉明性至孝家嘗被火祥惟抱先人主餘悉不顧續
通志知仁壽縣以治行稱又禹節嘉靖時任大足訓導

巨淵

陝西志巨淵蒲城人洪老中官四川僉事

倚東周

陝西志倚東周富平人萬厯中任通江縣主簿

粘宣

統謹粘宣貴縣人成化中任東鄉縣知縣

潛玉

統謹潛玉福州人永樂中官大寧縣知縣

謹賤生

福建志謹賤生邵荃人洪荃中以國子生爲岳池縣典史廉介有爲升四川按察僉事列名章善錄

尋孔樂

山西通志尋孔樂易曲人正德中任夔州府通判

冰如鑑

統誼冰如鑑繁昌人萬厯中任四川寧州衛千戶

卯敬

江西志卯敬臨川人正德中知平荃縣

星奎

湖廣志星奎沅江人洪莖中任敘州府推官

高文光

湖廣志高文光公安人嘉靖舉人事母成氏孝爲巴縣令有惠政所著有擬陶詩

它成

甘肅志它成官建營遊擊父名元鼎西寧碾伯人

糟仁

興文志糟仁鳳翔人由行伍乾隆十五年任建營遊擊

操宣

安慶志操宣潛山人嘉靖中任四川合州判官

叢方茵

如皋志叢方茵如皋人康熙時任德陽縣知縣

從龍

統謙從龍字雲舉天順舉人任富順縣知縣升麻哈州教民製巾以冠

宜訓

陝西通志宜訓字孟庭寧州人以恩貢授峨眉令時南山多水患訓遠山引水蓄洩有法灌溉民田數萬頃民胥賴之

時植

河南志時植字良材通許人以太學生任四川梁山縣主簿正

德六年署縣事流賊攻城城陷被執不屈死之

慈止

統謹明有慈止仁壽人永樂中任大足縣訓導

呼延信

陝西志呼延信綏德州人宣德中任四川右參政

槐寅

福建志槐寅福清人萬厯中任四川都指揮

延瑁

陝西志延瑁韓城人官給事中永樂六年安撫四川

橋宗義

山西志橋宗義曲沃人成化中任什邡縣丞

軻興

統謹軻興直隸人明宣德時官簡州衛千戶愛恤士卒崇尙禮義尤勤于政事

葵玉

涿州志葵玉涿州人弘治中任順慶府同知

鎮洪

明曹震開永寧河碑記貴播駟鋪橋道委播州宣慰司楊重慶千戶鎮洪提調軍民以開通

秋逢慶

河南志秋逢慶汝寧舉人嘉靖中任遂寧縣嚴於御吏門禁肅然

海岱

江南志海岱臨淮人正統時官射洪縣知縣

第五德

陝西志第五德字宇元三水人正德中任夔州府通判

東真

丹徒志東真字西侯任資陽知縣順治丙戌科進士

貫道

廣西志貫道興平人嘉靖中任四川井研縣知縣

本進忠

甘肅志本進忠字輔庭西寧人祖名天素父名成雍正五年隨
征準噶爾有戰功升雲南提督後入成都籍

蜀典卷五

荅威介侯甫張 澍編輯

故事類

石室漢畫像人古樂皇帝八兄夸子五百鹽井曷穿鸚喙
曷作女或化男魚乃爲石收爲故事莫疑吠雪

樊英救成都火

楚國先賢傳樊英隱於壺山嘗有暴風從西方起英謂學者曰
成都市火甚盛因含水西向噴之乃令記其時日後有从蜀郡
來者云是日大火有雲從東起須臾大雨火遂滅按漢書方術
傳亦載此事乃謂係朝會噴酒與葛洪神仙傳記樂巴噴酒相

但皆是成都事

蛟畏鐵

聞見錄峽有長蘆寺臨江門起水中每爲蛟所壞本朝明肅太
后以服用爲資以建長老曰后必欲起之須用生鐵數萬斤置
其下乃成蓋蛟畏鐵也

鬪牛戲

太平廣記引成都記云李冰爲蜀郡太守有蛟歲暴漂墊相望
冰乃入水戮蛟已爲牛形江神龍躍冰不勝及出選卒之勇者
數百持彊弓大箭約曰吾前者爲牛今江神必亦爲牛矣我以
大白練自束以辨汝當殺其無記者遂吼呼而入須臾雷風大

起天地一色稍定有二牛鬪於水上公練甚長白叟士乃齊射其神遂斃從此蜀人不復爲水所病至今大浪衝濤欲及公之祠皆瀾瀾而去故春冬設有鬪牛之戲未必不由此也祠南數千家邊江低圯雖甚秋潦亦不移適有石牛在廟庭下唐太和五年洪水驚潰冰神爲龍復與龍鬪于灌口猶以白練爲誌水遂漂下左縣梓潼皆浮川溢峽傷數十郡唯西蜀無害

四分厯 永昌厯 正象厯

晉志先主在蜀仍濫四分厯按吳改四分厯爲乾象厯魏改太和厯爲景初厯四分厯李梵所撰也四分厯之法三紀而爲一元元首歲必甲寅紀元或甲戌或甲午不皆甲寅又按五代史

蜀有永昌麻正象麻係王建孟知祥等二僭國之麻也北夢瑣
言云司天監胡秀林進麻移閏在丙戌年正月有向隱者亦進
麻用宣明添閏乙酉年十二月既有異同彼此紛詆仍于界上
取唐國麻日近臣曰宜用唐國閏月也因更改閏十二月街衢
賣麻者云只有一月也其年十二月二十八日國滅胡秀林是
唐朝司天少監仕蜀別造永昌正象麻推步之妙天下一人然
移閏之事不爽麻議常人不可輕知之是永昌正象乃胡秀林
作也宋藝文志蜀叢成永昌麻三卷

諸葛父子畫

歷代名畫記諸葛叢侯父子皆長於

工按忠叢侯之善畫於爲

秀畫圖見之思遠之工畫著於本傳

石室畫

沈作喆寓簡云南豐跋荅都太守西狹頌謂得此圖然後始見
漢畫然予見王逸少帖云成都學有文翁高映石室及遠太守
張收畫三皇五帝三代君臣昇仲尼七十弟子畫皆精妙可觀
予後因從蜀人求臨本晚乃得石刻信如逸少言然則石室之
畫又先於荅都矣子固蓋未之見

巴俞鼓員

前漢書禮樂志巴俞鼓員三十六人顏師古曰巴巴人也俞俞
人也當高祖初爲漢王得巴俞人竝趨捷善鬪與之定三秦滅

楚因存其舊樂也巴俞之樂因此始也巴卽今之巴州俞卽今之渝州各其本地

鹽府校尉

冊府元龜蜀先主定益州置鹽府校尉鹽鐵之利甚多有裨國用按蜀志王連爲廣都令遷司鹽校尉張裔傳有司鹽校尉岑述此云鹽府校尉疑誤岑述常爲督運領李平以運不辦欲殺者卽此人也

季滬戶口

冊府元龜蜀章帝元年國有戶二十萬男女口九十萬按王隱蜀記後主遣尙書李虎送士民簿領戶二十八萬男女口九十

四萬帶甲將士十萬二千吏四萬人事在炎興元年

雲漢圖

博物志劉爽桓帝時人曾畫雲漢圖人見之覺熱又畫北風圖人見之覺涼爽官至蜀郡太守按益部耆舊傳楊由有兵雲圖時竇憲將兵在外遣工從由寫圖以進尋賜國志大將軍竇憲從太守索雲氣圖楊由諫莫弇尋憲受誅太守當卽劉爽雲氣圖亦卽雲漢圖也憲雖誅於和帝世則爽爲太守亦當在和帝時至桓帝世尙在蜀耳

蜀中鏤書

王伯厚困學紀聞云古未有板本好學者患無書桓譚論謂梁

子初揚子林所寫萬卷至於白首南齊沈麟士年過八十手寫細書滿數十篋梁袁峻自寫書課日五十紙抱朴子所寫反覆有字金樓子謂細書經史莊老離騷六百三十四卷在巾箱中

後魏

官作後周

裴濬借異書躬自錄本其勤與編蒲緝柳一也國史

藏文志唐末益州始有墨板多術數字學小書後唐詔儒臣田敏校九經鏤本於國子監國初廣諸義疏音釋令孔維邢昺龔定頒布按孔氏雜說以刻板印賣始于唐明宗長興二年宰相馮道李愚之奏沈括筆談亦云而柳玘序文云嘗在蜀時書肆中閱印板小學書玘唐人則不始於五代矣然考隨文帝開皇十三年十二月八日敕廢像遺經悉令雕撰此印書之始冊府

元龜王清明揮塵錄蜀中始有板本文選十國齊秋毋昭裔傳
常請後主鏤板九經令門人句中立孫逢吉書文選初學記白
氏六帖刻板行之是蜀刻不止文選也

五雲太甲

王勃益州夫子廟碑有云帝車南指遁七曜于中階
粵蓋西臨藏五雲于太甲杜甫出瞿唐峽詩五雲高太甲六月曠搏扶蓋
入蜀見此碑用其語也段成式謂張燕公讀碑自帝車至太甲
四句悉不詳訪之一公一公言北斗建午七曜在南方有是之
祥無位聖人當出粵蓋以下卒不可曉宋王應麟云晉天文志
粵蓋杠旁六星曰六甲分陰陽而配節候太甲恐是六甲一星

之名本朝閻百詩云隨書天文志天子欲有所游往其地先發
天子氣或如鸞蓋在霧氣中或有五色蒼帝起青雲捧日云云
以證鸞蓋五雲亦一解而太甲終當闕疑按班固漢書內傳曰
伏見廣伏山青童真小童授六甲靈飛於太甲中元凡十二事
又雲氣干犯占曰黃雲氣入六甲術士用黃白氣入太史授爵
賜蓋太甲者主司六甲之神也五色雲氣入則有聖人利見之
祥子安之太甲五雲當卽此說

邑君

溘書西南夸傳青衣道夸邑長令田注令姓田名後溘書南續
傳青衣道夸邑長令田與徼外三種夸三十萬口齋黃金鹿牛

既舉土內屬安帝增令田爵號爲奉通邑君按邑君酋首也夜
郎王興從邑君數十人入見陳立是矣光武建武十二年封九
真徼外蠻里張游爲歸溱里君卽邑君也注以里爲蠻夸別號
失之東觀記云順帝時葉調國王遣使師曾詣闕貢獻以師曾
爲溱歸義葉調邑君賜其君紫綬西羌傳和帝永元六年蜀郡
徼外大蠻夸種羌豪造頭等率種人五十餘萬口內屬拜造頭
爲邑君長亦是豪率之稱繁長張禪題名碑有邑君蘭世興邑
君宋名季漢有蘇祁邑君冬逢見蜀志

斯叟

十六國晉秋蜀錄李雄玉衡十七年春正月越雋斯叟反寧州

秀才潘遺起義兵應之攻圍鎮南將軍任回及太守李謙等雄
遺征南將軍羅恆費黑救之寧州刺史尹奉遣裨將姚嶽朱提
太守楊術援遺戰於臺登嶽等敗績術力戰死夏四月斯叟破

瞎巴

魏書董紹傳蕭寶夤反于長安也紹上書求擊之云臣當出瞎
巴三十生噉蜀子肅宗謂黃門徐紇曰此巴真瞎也紇曰此是
紹之壯詞云巴人勁勇見敵無所畏懼非寔瞎也帝大笑勅紹
速行

作五百石子

粵陽國志汶山郡多冰寒盛夏凝凍不釋故夸人冬則避寒入

蜀席貨自食夏則避暑反落歲以爲常故蜀人謂之作五百石
子按今其俗猶然男則負棗桃核椒醬市女爲人家供薪汲呼
爲播羅子亦呼二姐子也

五苑

後漢書安帝紀六年春正月庚申詔越嵩置長吏一作高望始

昌三苑又命益州郡置萬歲苑犍爲置濠平苑

八兄皇帝

錦里耆舊傳朱溫賀蜀王建書八兄皇帝

弼頭

常璩巴志云弼頭虎子在胸認按卽白虎復夸亦卽板楯蠻也

弭強貌音奇粵陽國志云張儀城江州司馬錯自巴涪水取楚商於之地爲黔中郡白虎爲患有秦精者作白竹弩殺之秦王刻石與盟其時號白虎復夸唐虛求成都記序言白虎過四郡傷千二百人

十綮

沈存中筆談云唐書開元錢重二銖四綮今蜀郡亦以十綮爲一銖按余古鼎字律歷志所云十黍爲綮十綮爲銖今筆談刊作十參誤矣

巴蜀粟

史記平準書山東被河菑及歲不登天子詔曰江南水耕火耨

令飲民得流就食江淮間欲畱之處遣使冠蓋相屬於道護之
下已蜀粟以賑之

樂巴寺蛇

樂巴寺在通江縣西百里縣志云相傳樂巴真人建法座下有
石穴每歲仲夏一蛇長三尺許先出羣蛇大小顏色不一絡繹
隨之游於殿堂凡榻廚器之間或至數日不畏人亦不傷人人
亦不相害也必僧爲食以飼之食已其先出者先至穴口俟羣
蛇畢入而後入焉土人傳爲四萬八十尾云今尙然

奉聖樂 順聖樂

盧氏雜說韋皋鎮蜀進奉聖樂曲兼昇舞人曲謚同進到京於

留邸按閣教坊數人潛窺因得先進按國史補于司空頤因韋
太尉進奉聖樂亦撰順聖樂以進

鸚鵡埕

戒莽漫筆韋南康鎮蜀時有一鸚鵡甚慧馴養者曉以佛理一
日不震不仆斂翼委足奄然而絕焚之有舍利韋公爲立埕壑
之號曰鸚鵡埕

古竈

范大成吳船錄蜀中眉郡治有古竈在廳事後太守不敢居扁
鑰奉祠之

工官

前漢書貢禹傳蜀廣漢主金銀器歲各用五百萬三工官官費
五千萬如淳曰地理志河內懷蜀郡成都廣漢皆有工官主作
漆器物者也師古曰如說非也三工官謂少府之屬官考土室
也右工室也東園匠也上已言蜀漢主金銀器是不入三工之
數也

中園

王氏見聞云偽蜀有尋事團亦曰中園小院使蕭懷恣主之蓋
軍巡之職也懷恣自所團捕捉賊盜年多官位甚隆所管中團
百餘人各養私名十餘輩或聚或散人莫能別呼之曰狗至于
深坊僻巷馬醫酒保乞丐傭作及販賣童兒輩竝是其徇民間

有偶語者宮中罔不知又有散在州郡及勳貴家當庖看廐御車執樂者皆是其狗公私動靜無不立達于懷叅是以人懷恐懼常疑其肘腋腹心皆是其狗也

布裏篙頭

荊州記魚復縣瞿塘灘上有神廟先極靈驗刺史二千石經過者皆不得鳴角伐鼓商旅恐觸后有聲用布裏篙頭按水經注作皆不得鳴角伐鼓商旅下有上水二字頭作足

掘龍骨

壽陽國志蜀五城縣有元叅山一名三嶠山其山六屈三起山出龍骨相傳龍升其山值天門閉龍升天不達墜死于此後沒

地中民掘取其骨入藥用冬夏無已五城一作元城誤

神禹誕辰

路史鯀納有莘氏曰女志是爲脩己以六月六日屠礪而生禹於契道之石紐鄉所謂劓兒坪

楊宣聽雀鳴

益都耆舊傳楊宣爲河內太守行縣有羣雀鳴桑樹上宣謂吏曰前有覆車粟校論衡廣漢陽翁偉能聽禽獸之音宣爲翁偉弟子故曉鳥言也

銅馬嘶

存心錄宋高宗紹興二十六年成都郫縣地出銅馬高三尺工

製甚精中宵風雨忽聞嘶聲時以帝忘金人之仇而神怒也夸
堅志云成都郫縣村民鑿古墓遂得一銅馬高三尺餘制作精
妙前簡池守景季淵取以歸中宵風雨輒聞嘶聲怪而不敢置
移送佛寺紹興二十六年王晦叔自小淡至淡都士人黃伯淵
請作銅馬歌其詞曰君不見衮皇逸志役九垓追風躡影思龍
媒魯班門外立銅馬天廐馬匹皆塵埃又不見伏波將軍破交
賊歸來殿前獻馬式據鞍習氣殊未衰想見老子真嬰鑠兩京
翻覆知幾秋只有山河供客愁孤帆落日豔叢國忽出神物於
荒邱季黃壤誰作主猶把歸心泣風雨只恐一朝去無蹤有似
豐城寶劍化雙龍黃之歌甚工不知此馬今安在也

益州進白騾

鄭棨開天傳信記予宗將登泰山益州進白騾至潔朗豐潤權
奇偉異上遂親乘之柔習安便不知登降之勞也告成禮畢復
乘而下纔及山址上休息未久有司言白騾無疾而殪上歎異
久之謚曰白騾將軍命有司具椁槨壘石爲墓墓在封禪壇北
數里至今存焉

杜鴻漸得鼓杖

南卓羯鼓錄宰相杜鴻漸亦能之永泰中爲三川副元帥西川
節度使至成都李琬有削杖者在蜀以鼓杖獻鴻漸鴻漸得之
示於琬曰此尤物也當衣衾下收貯積時矣匠曰某于春溝中

養之十年及出蜀至利州西界望嘉陵驛入漢川矣自西南來

始臨嘉陵江頗有山水景致其夜月色又佳乃與從事楊炎杜

亞一作惛孫源孝曰案代宗廣德二年崔旰反成都命鴻漸以

宰相兼山南劍南副元帥往鎮撫之鴻漸棹旰許以不死反

委以政日昇从事楊炎杜亞縱酒高會則此甚輩登驛樓望江

月行觴語話曰今日出艱危脫猜迫外則不辱命于朝廷內則

免中禍於微質皆諸賢之力也既保此安步又暇此殊景安得

不自賀乎遂命家僮取鼓舛板笛以前所得杖酣奏數曲一作

西山猿鳥皆驚飛鳴噉噉一作飛從事悉異之曰咎夔之搏拊

百獸舞庭此豈遠耶鴻漸曰若某于此稍曾致力未臻尤妙尙

能及此况至聖御天一作遇賢臣考樂飛走之類何有不感因

夫訛

言此有別墅近寧嚴閣每遇風景晴朗時或登閣奏此初見羣羊牧于山下忽數頭躑躅不已某不謂以鼓然也及止鼓羊亦止某復鼓羊亦復然遂以疾徐高下而節之無不應之而變旋有二犬自其家走而吠之及羣羊側遂漸止聲仰首一作逐聲俯仰若有所聽少選卽復宛頸搖尾亦從而變態是知率舞固不難矣

其後乃不敢爲也

一本無此句

按一本末又有云近士林中無習之者唯僕射韓皋善亦不甚露爲鄂州節度使時聞於黃鶴樓一兩習而已

筆寶

成都古今記西蜀聖壽寺僧楚安妙畫山水須一旬以來方就

一扇收得其筆謂之筆寶

廣聖節

錄異記蜀乾德元年七月十五日庚辰降誕廣聖節棚口鍾王
彥徹於羅真人宮內得白龜以獻

許旌陽拔宅上昇

十二真君傳許遜舉孝廉拜蜀旌陽令慕道棄官歸師文洞君
吳猛傳三清法要至太康二年八月一日於洪州西山舉家四
十二口白日拔宅上昇按此說誤卽今人相承之說所自也

程君友昇仙

茅亭客話遂州小溪縣石城鎮仙女壇村民程君友遇道士隨

往青城山道士曰爾有仙表得至於此開囊取丹一粒令吞之
曰若有飢渴則可嚼柏葉柏實君友懇祈願往仙齋道士曰爾
且歸家吾至九月八日當來迎爾君友歸別止一室嘗焚柏子
柏實靜坐無營時嚼柏實三五顆而已門外柏樹有大盤石嘗
偃息於上至九月七日夜如有所待達旦雲霞相映五色君友
躡空而去

蜀路星墜

李綽尙書故實李師誨者畫蕃馬李漸之孫也爲劉從諫潞州
從事知劉不軌遂隱居黎城山潞州平朝廷嘉之就除一縣宰
曾于僧處得落星石一片僧于蜀路早行見星墜於前遂圍數

尺掘之片石如斷磬其一端有雕刻狻猊之首亦如磬有孔穿
條處尙光滑豈天上樂器毀而墜歟此石後流轉到安邑李甫
宅中

祝鼠

元史世祖至元二十二年六月馬湖田鼠食穀殆盡總管祠而
祝之鼠悉赴水死按元史世祖本紀至元二十二年九月烏蒙
叛命四川行院伊蘇岱爾將兵討之馬湖路總管舒策以蠻軍
三百爲助降西崖門酋長阿者等百餘戶是年六月馬湖部田
鼠食稼殆盡其總管祠而祝之鼠悉赴水死本紀惜無總管姓
名或卽舒策歟舒策舊作汝作今改正

魚化

黃休復茅亭客話青城縣漁者釣歸傾其魚于竹器中有一魚化爲石長四寸許鱗鬣燦然若活其監子將石魚于椀水中或搖鬣振鱗漁者驚異取出置土甕中因是鄰里求觀者衆在水則活離水則爲石卒以爲常

乾德年號

山堂肆考宋太祖平蜀蜀宮人入內鏡背有識乾德四年鑄者召寶儀問之對曰蜀王衍嘗有此年號太祖大說曰宰相須用讀書人棲此時正太祖乾德四年故上怪問之宋朝類苑江南保大中浚秦淮得石誌按其刻有大宋乾德四年凡六字他皆

沒滅不可識令諸儒參驗乃輔公祐反江東時年號也此不惟年號同於國號亦符按公祐于孝德六年稱帝反江東明年三月即敗安得有四年石誌所言可疑

五色雲見

玉海紹興三十二年孝宗即位閩州奏六月十日有五色雲見錦屏山之西浮空映日自未及申在即位一日允合受命之符

畫三時山

圖畫見間志張詢南海人避地居蜀善畫吳山楚岫枯松怪石中和間嘗於昭覺寺大悲堂後畫三壁山川一壁早景一壁午景一壁晚景謂之三時山人所稱異也

鐘樓

陸游入蜀記采訪殿前有鐘樓高十餘丈三層累磚所成不用一木而欄欄飛翬雖木工之良者不能加也但鐘爲磚所掩閉聲不甚揚亦是一病

一折柱

盛弘之荊州記巴東有一折柱孤直高三丈大可十圍傳云是公孫述樓柱破之血出枯而不朽

墜石流泉

錄異記壬子歲七月十三日青城鬼城山因滯雨崖崩暴水大至在丈人觀後高百餘丈殿當其下將憂摧壞俄有墜石如崖

堰水向東竟免漂陷觀中常汲谿水以供日食甚以爲勞自此
暴水出處常有流泉直注廚內其味甘香冬夏不絕

男化女

後漢書漢建安七年

一引作二十年

越嶺有男子化爲女子周羣曰哀

帝時亦有此變將有易代之事也至二十年獻帝封山陽公按
哀帝建平中豫章男子化爲女子嫁人生一子潛潭巴曰賢人
去位天子獨居則女子化爲丈夫一引潛潭巴云男化女賢人
去位女化男賤人爲王

赤樓 散花樓

東觀漢記公孫述造十層赤樓春明退朝錄成都有散花樓

井法

蜀王本紀云宣帝地節中始穿鹽井數十所類要云鹽泉有絞
篲引泉踏溪每一篲用一篲其篲與篲每年十月且日以新易
陳郡守作樂臨之井民相慶謂之絞篲節 志林云慶曆皇祐
以來蜀始開筒井用圓刃鑿如盆大深者數十丈以正竹去節
牝牡相銜爲屏以隔橫淡水則鹽泉自上又以竹之差小者出
入井中爲桶無底而竅其上懸熟皮數寸出入水中氣呼吸而
啟閉之一筒水可致數斗鹽凡筒井皆用機械利之所在人無
不知後漢書有水溝此法惟蜀中鐵冶用之大略似鹽井取水
筒太子賢不識妄意以解非也

郡國利病書射洪士人馬驥課鹽井圖記云鹽井其來舊矣先世嘗以爲皮袋井圖經三五尺許底有大石則饒課重工力浩亘非一載弗克竣今皆淹沒殆盡不可考民循故業以訥課率多重竹井制其施爲次第在井匠董之凡匠民相井地多於兩河夾岸山形險急得沙勢處鳩工立石圈盡去面上浮土不計丈尺以見堅石爲度而鑿大小竅焉大竅大鐵鈎主之小竅小鐵鈎主之鈎一也大鈎則有鈎頰扁寬七寸有輪鋒利穿鑿與井口北口旁立兩木橫一木於上有小木灑子以火掌繩鈎末附於橫木灑子上離井六七步爲一木椿斜火掌蔑而耦春之灑竹運鈎自上下相乘矣灑子與井口旁周遭圈轉令

其竅圓直初則灌水鑿之及二三丈許泉蒙四出不用灌水無
論土石鈎觸處俱爲泥水每鑿一二尺匠氏命起鈎用筒竹一
根約丈餘通節以繩繫其梢筒木爲皮錢掩其底其泥水所在
匠氏操繩以縮皮歛水以入汜滿提出泥水漸盡復下鈎鑿焉
次第疏鑿不計功程力大較至二三十丈許見紅石若口大竅
告成矣隨議下竹竹有木竹樺竹二種木竹取堅也剝大二片
以麻合其縫以油灰蚌其隙樺竹出馬湖山中亦以麻裹之木
作末爲大麻頭纍纍節合下盡全竹四漬淡水障阻不能浸淫
乃截去大鈎頓用鈎稍鑿小竅法如大竅鑿二十丈中見白沙
數丈有鹽水數丈名曰腰脈水去鹽水不遠尋鑿之而鹽水淵

消自見也水有廣水晝夜力汲不竭然味近淡有鹹水晝夜計有數然味亦不齊有一担而煮鹽五六斤者有八九斤至十二三斤者顧遇何如耳厥土既就始樹樓架高可似數樓上爲大濃有轆轤聲制筒索吸水如前吸泥水法而摠局則管於車牀也牀橫木爲杵杵有兩耳作曲池狀左右低昂送施左揖地右伸右揖地左伸循環用力索盡筒出鹽水就灰筩潑水而煎燒有緒矣轉轆轤者蓋三人爲之力厚者則制牛車車狀丈力逸而功倍也此自成井而論耳若掘鑿之際鈇偶中折而墜其中者或遭淤泥作阻者其出法亦巧而爲器亦異鈇帶火掌篋而墮者以攪釣釣出爲力易易惟鈇半墮或止墮鈇頭者取之

法制爲鐵五爪如覆手狀爪背入木數寸以竹三尺許劈碎一尺纏扼爪木令堅繳上一尺亦劈碎則活繫橦子釘不令拘泥倫向中一尺通其節以待橦子釘假道槌代垂爪入井爪定所墮釘頭匠氏從上督率橦子釘由筒中繫木木擊五爪數擊則爪攪剔釘頭著牢不可以游滑自匿雖欲不出不可得矣若被淤泥填溢大小竅猶闕格症然甚者製爲搜子以和解其膠密搜子者鐵條之有嚙齒者也未甚製爲漕釘以衝擊其脂欵漕釘者橦子釘之有嚙齒者也支觔既折則爲刮筒以取其泥刮筒之制卓鹽筒殊科不通其節而每節之始鑿爲方口投井口汲泥亦如汲水或盪水可以疏通翕受泥則踰節不可甚匠氏

作法意也嗟呼一井之成其次第節目如此亦云勞矣乃勞歸
竈丁利歸商販富竈任逸備竈任力終歲窮日疲弱若何而征
輸又告急矣至有坍塌而乾賠國課者有通負而逃徙流離者
是在上之人寬一分則民受一分之賜云

紫極宮道場

太平廣說謝自然住金泉林中七月十五日五更有青衣七人
內一人稱中等云食時上真至良久盧使至須臾金母降於庭
自然拜禮母曰別汝兩劫矣自然坐初盧使侍立久亦令坐盧
云暫詣紫極宮看中元道場遂巡來云此一時全勝以前問其
故曰此度不燒乳頭香乳頭香天真惡之唯可燒和香耳

五福樓

國史補南部新書竝云元和初陰陽家言五福太乙在蜀故劉
闢造五福樓符載爲文記按載文有曰天一五福游乎神宮之
三年也通首未言及五福太乙星之在蜀新唐書劉闢傳以術
家言五福太乙舍於蜀乃造大樓以祈祥

青城山封醮

雲笈七籤中和元年辛丑七月十五日詔內臣元易簡刺史王
茲縣令崔正規與朕詣青城山脩醮封爲五嶽丈人希巨眞君
是時縣界亢旱苗穀將焦封醮之後龍吟于觀側谿中風雨大
至枯苗再茂縣境乃豐

捉佛光

孫願撰幻異志高燕公鎮蜀日大慈寺僧申報堂佛光見燕公判曰付馬步使捉佛光過所司密察之誘其僮子具云僧輩以鏡承隙日中影閃於佛上由此乖露禽而罪之

八子

宋稗類鈔蘇州諸邑各有所出謂之八子巴西紗子魏城扇子羅江犬子神泉榛子彰明附子龍安杏子鹽泉絲子石泉猴子巴西紗一疋重二兩婦人製爲夏服甚輕妙魏城以一繭造一扇謂之絲扇輕而可愛按宋類苑云慶厯中衛士有震驚宮掖者尋捕殺之時臺臣宋禧上言此蓋平日防閑不周所以致患

聞蜀有羅江狗赤而尾小者其傲如神願養此狗於掖庭以警
倉卒時謂之宋羅江